



禮書卷第一

冕服

十二章之服

大裘而冕

衮冕

鷩冕

冕服

書曰天命有德五服五章哉又曰予欲觀古人之象日月星辰山龍華蟲作會宗彝藻火粉米黼黻絺繡以五采彰施于五色作服汝明孔氏曰日月星為三辰宗廟彝尊亦以山龍華蟲為飾火為火字粉若粟米米若聚

米黼若斧形黻為兩已相背葛之精者曰絺五色備曰繡周禮典絲凡祭祀共黼畫組就之物

典命上公九命其衣服以九為節侯伯七命其衣服以七為節子男五命其衣服以五為節王之三公八命其卿六命其大夫四命及其出封皆加一等其衣服亦如之公之孤四命以皮帛眡小國之君其卿三命其大夫再命其士一命其衣服各眡其命之數侯伯之卿大夫士

亦如之子男之卿再命其大夫一命其士不命其衣服
各眡其命之數司服掌王之吉凶衣服辨其名物與其
用事王之吉服祀昊天上帝則服大裘而冕祀五帝亦
如之享先王則衮冕享先公饗射則鷩冕祀四望山
川則毳冕祭社稷五祀則希冕祭羣小祀則玄冕代
曰古天子冕服十二章至周而以日月星辰畫於旌旗所謂三辰旂旗昭
其明也而冕服九章登龍於山登火於宗彝尊其神明也九章初一日龍
次二曰山次三曰華虫次四曰火次五曰宗彝皆畫以爲績次六曰藻次
七曰粉米次八曰黼次九曰黻皆希以爲補則衮之衣五章裳四章凡九
也鷩畫以雉謂華虫也其衣三章裳四章凡七也毳畫虎雉謂宗彝也其
衣三章裳二章凡五也希刺粉米無畫也其衣一章裳二章凡三也玄者
衣無文章則刺黻而已是以公之服自衮冕而下如王之
服侯伯之服自鷩冕而下如公之服子男之服
自毳冕而下如侯伯之服孤之服自希冕而下如子
男之服大夫之服自玄冕而下如孤之服士之服自皮
弁而下如大夫之服凡夫祭祀賓客共其衣服而奉之

弁師掌王之五冕皆玄冕朱裏延紐五采纁十有二就
皆五采玉十有二玉笄朱紘諸侯之纁旒九就璫玉二
采其餘如王之事纁旒皆就玉璜玉笄諸侯及孤卿大
夫之冕韋弁皮弁弁經各以其等爲之而掌其禁公節
服氏掌祭祀朝覲衮冕六人維王之大常諸侯則四人
其服亦如之郊祀裘冕二人執戈送逆尸從車行人以
九儀辨諸侯之命等諸臣之爵以同邦國之禮而待其
賓客上公之禮冕服九章侯伯冕服七章子男冕服五
章考工記曰白與黑謂之黼黑與青謂之黻五采備謂
之繡土以黃其象方天時變火以圜山以章水以龍鳥
獸蛇禮記王制曰制三公一命卷若有加則錫也不過
九命有虞氏皇而祭深衣而養老夏后氏收而祭燕衣
而養老商人呬而祭縞衣而養老周人冕而祭玄衣而

養老禮運曰五色六章十二衣還相為質也冕弁兵革
藏於私家非禮也家語作兵車禮器曰管仲鏤簋朱紘
君子以為濫矣禮有以文為貴者天子龍裘諸侯黼大
夫黻士玄衣纁裳天子之冕朱綠藻邦氏謂有日月星辰之章此禮周禮天子垂藻十有
二旒諸侯九上大夫七下大夫五士三此以文為貴也
郊特牲曰祭之日王被裘以象夫邦氏謂有日月星辰之章此禮周禮也周祀昊天上帝則夫
冕而戴冕璪十有二旒則天數也玉藻曰天子圭藻十有
二旒前後邃延龍卷以祭玄端而朝日於東門之外聽
朝於南門之外諸侯玄端以祭禋冕以朝學記曰不學
雜服不能安禮明堂位曰君裘冕立于阼夫人副褱立
于東房冕而摠于率其群臣以樂皇尸王后黼於北
郊以其純服夫人蠶於北郊以其冕服祭義曰易抱龜
南面天子卷冕北面天子為籍于晦冕而朱紘素未

諸侯為籍百晦冕而青紘躬秉耒樂記曰食三老五更
於大學天子袒而割牲執醬而饋執爵而酌冕而摠于
所以教諸侯之弟也魏文侯曰吾端冕而聽古樂武王
克商散軍而郊射禋冕摠笏而虎賁之士說劔也雜記
曰大夫冕而祭於公弁而祭於己士弁而祭於公冠而
祭於己公襲卷衣一玄端一朝服一素積一纁裳一爵
弁二玄冕一襲衣一哀公問曰冕而親迎郊特牲曰玄
冕齋戒鬼神陰陽也周弁商皐夏收朱干設錫冕而舞
大武諸侯之階禮也明堂位曰朱干玉戚冕而舞大武
皮弁素積褻而舞大夏曾子問曰大祝禋冕諸侯將適
天子冕而出視朝詩大車曰毳衣如茨毳衣如璫終南
曰黻衣繡裳九罭曰我御嫌之子衮衣繡裳采菽曰又何
予之玄衣及黼文王曰厥作裸將常服黼皐曰王

錫韓侯玄衮赤舄論語曰禹致美乎黻冕又曰麻冕禮也今也純儉又曰服周之冕周語單襄公曰陳侯棄衮冕而南冠以出不亦簡彝乎又曰襄王使大宰賜晉文侯命晉侯端冕以入武宮太宰以王命命冕服魯語公父文伯之母曰王后親織玄統公侯之夫人加之以紵紵卿之內子為大帶命婦成祭服列士之妻加之以朝服世本曰黃帝作冕服史記曰放勛黃收純衣大戴禮曰公冠四加玄冕家語同黃帝黼黻大帶家語曰黃帝與炎帝戰克之始垂衣裳作黼黻又曰將郊天子皮弁以聽祭報郊之日天子大裘以黼之被裘象天既至泰壇王脫裘矣服衮以臨燔柴戴冕璪十有二旒則天數也左傳臧哀伯曰衮冕黻珽帶裳幅舄衡紕紕紕其度也火龍黼黻昭其文也謂聖也公與公治冕服以卿服之及疾

聚其臣曰我死必無以冕服斂非德賞也襄二十九年子太叔曰為九文六采五章以奉五色昭二十五年伐楚之役許男卒而以衮衣斂穀梁曰弁冕雖舊必加於首公羊曰已練可以弁冕荀卿曰天子袿卷衣冕諸侯玄卷衣冕又曰天子山冕諸侯玄冠爾雅曰黼黻彰也又曰衮黻也書大傳曰天子衣服其文華蟲作績宗彝藻火山龍諸侯作績宗彝藻火山龍子男宗彝藻火山龍大夫藻火山龍士山龍又曰山龍青也華蟲黃也作績黑也宗彝白也藻火赤也天子服五諸侯服也次國服三大夫服二士服一鄭氏曰玄或疑焉許慎曰衮龍繡於下幅一龍蟠阿上鄉後漢輿服志曰上古穴居而野處衣毛而冒皮後世聖人觀翬翟之文榮華之色乃染帛以効之成以為服見鳥獸有冠角顛胡之制遂作冠冕纓黻凡十二章至周九

章秦滅去禮學郊祀之服皆以禘玄祭氏獨斷曰禘紺
繒也吳都賦曰初阜服也漢承秦故至顯宗初服旒冕
衣裳文章赤舄約履衣裳玄上纁下乘輿備文日月星
辰十二章三公諸侯用山龍九章九卿以下用華蟲七
章皆備五采大佩赤舄約履以承大祭冕冠垂旒前後
邃延玉藻孝明皇帝永平二年初詔有司采周官禮記
尚書臯陶篇乘輿服從歐陽氏說公卿以下從大小夏
侯氏說冕皆廣七寸長尺二寸前圓後方朱綠裏玄上
前垂四寸後垂三寸係白玉珠為十二旒以其綬采色
為組纓三公諸侯七旒青玉為珠卿大夫五旒黑玉為
珠皆有前無後各以其綬采色為組纓旁垂黼纁郊天
地宗祀明堂則冠之後魏明帝以公卿衮衣黼黻之文
擬於至尊復損略之宋齊皆王公平冕九旒衣山龍以

下九章卿七旒衣華蟲以下七章後周設司服之官掌
皇帝十二服祀昊天上帝則蒼衣蒼冕祀東方上帝及
朝日則青衣青冕祀南方上帝則朱衣朱冕祭皇地祇
中央上帝則黃衣黃冕祀西方上帝及夕月則素衣素
冕祀北方上帝祭神州社稷則玄衣玄冕享先皇加元
服納后朝諸侯則象衣象冕十有二章衮冕自龍以下
凡九章山冕八章鷩冕七章冕通十有二旒諸公之服
九一曰方冕二曰衮冕九章三曰山冕八章四曰鷩冕
七章五曰火冕六章六曰毳冕五章七曰毳弁八曰皮
弁九曰玄冠諸侯服自方冕而下八無衮冕山冕八章
鷩冕七章火冕六章毳冕五章俱八旒諸伯自方冕而
下七又無山冕鷩冕七章毳冕五章火冕以下俱七等
俱七旒諸子服自方冕而下六又無鷩冕火冕六章毳

冕五章毛毳冕以下俱六等俱六旒諸男服自方冕而下
五又無火冕毳冕五章冕五旒三公之服九一曰祀冕
二曰火冕六章三曰毳冕五章四曰藻冕四章五曰繡
冕三章六曰爵弁七曰韋弁八曰皮弁九曰玄冠三孤
之服自祀冕而下八無火冕毛毳冕五章藻冕四章繡冕
三章公卿之服自祀冕而下七又無毳冕藻冕四章繡
冕三章上大夫之服自祀冕而下六又無藻冕繡冕三章
中大夫之服自祀冕而下五又無皮弁繡冕三章下大
夫之服自祀冕而下四又無爵弁繡冕三章士之服三
一曰祀弁二曰爵弁三曰玄冠玄冠皆玄衣其裳衣上士以玄中士以黃下士雜裳雜裳謂前玄後黃也
庶士之服一玄冠隋改後周制變乘輿衣冕垂白珠十
有二旒服十二章皇太子衣冕垂白珠九旒服九章王
國公開國公三公衣冕青珠九旒服九章侯鸞冕八旒

服七章伯鷩冕七旒服七章子毳冕六旒服五章男毛毳
冕五旒服五章唐制天子之服十四大裘冕者祀天地
之服也廣八寸長一尺二寸以板為之黑表繡裏無旒
衮冕廣一尺二寸長二尺四寸金飾玉簪道守垂白珠十
二旒鸞冕八旒七章絺冕六旒二章玄冕五旒裳刺黼
皇太子之服六衣冕白珠九旒羣臣之服二十有一衣
冕者一品之服也九旒青縹為珠貝三采玉鸞冕者二
品之服也八旒毳冕者三品之服也七旒絺冕者四品
之服也六旒玄冕者五品之服也以羅為之五旒衣黻
無章裳刺黻一章平冕者郊廟武舞郎之服也黑表紵
裳爵弁者六品以下九品以上從祀之服也以紵為之
無旒

十二章之服

冕十二章旒十二玉前發各用五百四十有四纒玉五采



冕服之作尚矣書稱舜曰予欲觀古人之象作服日月
 星辰山龍華蟲作繪宗彝藻火粉米黼黻絺繡則黼黻
 而士象服也象服有冕禮記曰有虞氏皇而祭夏后氏
 收而祭商人皐而祭周人冕而祭則皇收而下皆冕也
 孔子稱禹致美乎黻冕書稱伊尹以冕服奉嗣王詩稱
 商之孫子常服黼皐則夏商服章蓋與古同矣古之服
 章十有二而日月星辰山龍華蟲繪於衣宗彝藻火粉

米黼黻繡於裳則星五星也辰十二次也鄭氏傳大宗伯祭

辰十二次華蟲雉也宗彝虎彝也粉米物其米也黼白黑

文也黻黑青文也蓋日月星辰在天成象者也山龍華

蟲虎雉藻火粉米黼黻在地成形者也在天成象者道

之運乎上在地成形者道之散乎下道固始終於東北

故山龍而降始山終黻莫不有序何則山居東北冬春

交也龍春也華蟲夏也虎秋也雉冬也周而復始則藻

春也火夏也粉米中央也黼秋冬交也黻冬春交也龍

與華蟲陽之陽也故繪而在衣虎與雉陽之陰也故繡

而在裳然則古者合三辰以在服備十二章以則天數

故章與四時相順後世判三辰以在旗而服止九章以

法陽數故章與四時相變鄭康成謂周服九章登龍於

山升宗彝以尊其神明理或然也觀周禮稱衮冕禮記

火於

稱天子龍衮又曰龍衮卷以祭上服言龍衮而不言山則升龍於山可知也司服五章之服則毳冕毳毛物毛物虎雉也五章言毳冕而不言藻則升火於宗彛可知也升春物於冬春交之上升夏物於春之前則章與四時相變可知也禮記曰王被衮以象天則龍行天之物變化不測天道之象也康成釋禮記謂被衮有日月星辰與司服之說不同是自惑也左傳臧僖伯曰三辰旂旗昭其明也火龍黼黻昭其文也子太叔曰爲九文六采五章以奉五色夫僖伯言服止於火龍太叔言色止於九文則周之衮服止於九章而無日月星辰明矣詩曰玄衮及黼又曰玄衮赤鳥康成謂凡冕服皆玄衣纁裳特荀卿謂天子袿卷玄冕諸侯玄袿衣冕考之於禮王之五冕皆玄冕朱裏王之始冠玄冠丹組纓聘禮釋

幣玄纁束昏禮納幣亦玄纁束聘禮之簋玄被纁裏昏禮之笄緇被纁裏方相氏玄衣朱裳銘物亦緇上頽末則玄緇所以體道丹黃所以象事體道者常在上象事者常在下故易稱垂衣裳以取乾坤天玄地黃而纁赤黃色則六服皆玄衣纁裳矣荀卿天子袿卷之說豈其所傳者異耶荀卿又曰天子山冕諸侯玄冠其山冕即衮冕也衮冕自登龍言之也山冕本山龍言之也考工記曰火以圜山以章水以龍爾雅釋丘曰上正章丘釋山曰上正章山禮記曰龍卷然則火圜山上正而龍卷曲矣周禮交龍爲旂觀禮天子載大旂升龍降龍衣章之飾蓋亦如此則龍之一升一降乃不爲亢君德之象也司服公之服自衮冕而下如王之服則公衮亦有升龍矣康成改章爲璋謂天子有升龍降龍公衮無升龍

誤也司尊彝有雞彝鳥彝罍彝黃彝虎彝雉彝明堂位
 曰雞彝夏后氏之尊也罍彝商尊也黃目周尊也則虎
 彝雉彝為有虞以前之彝可知矣先儒謂華非蟲粉非米
 宗彝有山龍華蟲之飾而服無宗彝之文山龍至華蟲
 尊者在上藻火至黼黻尊者在下皆臆論也五色備為
 繡葛之精者為絺孔穎達申安國之傳謂古者尚質絺
 為蕭豈非溺於後代以疑古歟史記亦曰舜被絺衣鼓琴
 大裘而冕冕十二旒旒十二玉前後各用玉百四十四有四纒玉五采



周禮司裘掌為大裘以共王祀天之服

鄭司農云大裘黑羔裘服以祀天示質正

義曰以其祭天地之服故以大言之非謂裘禮後大則義同於大射也四時祀天皆以其之不服六天之大小直言祀天祭地之禮與天同則出崑崙神州用大裘可知

司服祀昊天上帝則大裘而冕祀五帝亦如之弁師掌

王之五冕皆玄冕朱裏延凡冕服有六而言五冕者大裘蓋無旒不聯數也節服氏

郊祀裘冕二人執戈送逆尸從車裘冕者亦從尸服也裘大裘凡尸服卒者之上服

禮記玉藻曰唯君有黼裘以誓省大裘非古也借天子也天子祭上帝則大裘而冕省當為黼國君有黼禮不盛服不充故大裘不

裘蓋言黼田之禮時大夫又有大裘禮不盛服不充故大裘不

裼乘路車不式家語曰大裘以黼之既至泰壇王脫裘

服衮以臨燔柴著大裘象天鄭志大裘之上又有玄衣

梁五經博士陸瑋等大裘之制宜以黑繒為之其制式

如裘其裳以纁皆無文繡冕則無旒隋始詔虞世基等

憲章古制定輿乘服合八等按周禮大裘之冕無旒其

服羔裘也准禮圖以羔正黑者為之取同色繒以為領

袖其裳用繡而無章飾絳鞞赤舄祀圓丘感帝封禪五郊明堂雩祀皆服之今文大裘冕無旒冕廣八寸長一尺六寸深青表金飾玉纒導以組為纓色如其綬裘以黑羔皮為之黑領襟緣朱裳

周官司裘掌為大裘以共王祀天之服司服祀昊天上帝則服大裘而冕祀五帝亦如之享先王則衮冕禮記曰郊之祭王被衮以象夫戴冕藻十有二旒則天數也鄭司農曰大裘黑羔裘服以祀天示質也然則合周官禮記而言之王之祀天內服大裘外被龍裘龍裘所以襲大裘也記曰裘之裼也見美也服之襲也充美也禮不盛服不充故大裘不裼則襲裘可知也議者以司裘言大裘祀天而不及衮司服言大裘而冕祀昊天上帝在衮冕之上又節服氏衮冕六人維王之太常裘冕二

人執戈送逆尸是衮冕與裘冕不同謂之大裘而冕則不加衮矣是不知先王祀天以冬至之日為正而裘又服之本也故取大裘以名之猶之朝服緇衣羔裘而詩獨稱羔裘如濡羔裘豹祛羔裘逍遥燕服玄端蜡服黃衣皆狐裘而詩獨稱狐裘以朝狐裘蒙茸狐裘黃黃則裘之上未嘗無衣也裘之上未嘗無衣而衣之下有不

用裘故履人曰凡四時之祭祀以宜服之則凡春夏秋之祀不必服裘所以適時之宜而已

月令孟冬天子始裘然則先儒謂服大裘以祭地示亦非由

是觀之衮冕以維太常者不必有裘裘冕以送逆尸者

必有衣也記曰尸襲而不裼送逆尸者象之

禮記曰裘冕從尸服

則裘

冕加衮又可知也古者大羊之裘不裼必襲之也表裘不入公門必裼之也是裘有裼之而不襲有襲之而不裼未有表之而不裼襲者則徒服大裘而無襲非禮意

也語曰藝裘裘長則凡行禮之裘短矣果徒服大裘而加

長焉其與褻裘奚異哉凡祭祀之裘蓋與明衣齊則

鄭志謂大裘之上又有玄衣此尤無據也禮記唯君

黼裘以誓省大裘非古也則戒誓省眡用黼裘而後

世服大裘焉故記者譏之家語謂大裘黼文以象天

王至泰壇脫裘服袞張融又易之以為王至泰壇脫

袞服裘蓋王肅託孔子以信其說張融疑王肅以變

其論然記曰郊之日王皮弁以聽祭報則前祭未嘗

服大裘也又大裘無文與黼不同二者之說誤矣以裘

大名之猶所謂大夫先王祀天有文以示外心之

勤有質以示內心之敬故因丘掃地鬲葉結疏罪

禫杓素杓素車之類此因其自然以示內心之敬者也

執鎮圭纁藉五采五就拚龍章而設日月四圭有邸八

變之音黃鍾大呂之鈞此致其文飾以示外心之勤者

也然則內服大裘以因其自然外被龍袞戴冕藻以致

其文飾不以內心廢外心不以自然廢文飾然後事天

之禮盡矣不特此也以神事之則有五齊以人養焉則

有三酒至敬不壇而有壇焉禮曰泰壇祭天是也至質

不裸而有鬯焉大宗伯九祀大神享大鬼祭大示涖玉

鬯禮記曰親耕粢盛秬鬯以事上帝是也孰謂祀天之

禮一於無文哉

袞冕冕十二旒旒十一玉前後各用玉百四十有四纁玉五采



弁師掌王之五冕皆玄冕朱裏延紐五采繅十有二就
皆五采玉十有二工笄朱紘諸侯之繅旒九就璿玉三
采其餘如王之事繅旒皆就玉璜玉笄鄭氏謂繅不言
皆有不皆者則衮冕十二旒鷩冕九旒毳冕七旒希冕
五旒玄冕三旒觀弁師於王言冕之表裏延紐而不及
玉璜於諸侯言玉璜而不及冕之表裏延紐於王言繅
不言旒於諸侯言繅旒不言玉數止言簪言繅旒皆就而
不言采數公之五冕皆三采言玉笄而不言紘是皆約辭以玄發
之則五采繅十有二就不言皆者其旒如康成之說信
矣春秋傳曰上物不過十二郊特牲曰戴冕璪十有二
旒則天數也玉藻曰天子玉藻十有二旒龍卷以祭是
王之衮冕十有二旒也典命曰上公以九為節則上公
之衮冕九旒九玉也弁師言繅十有二就以見旒亦十

有二言繅旒九就以見旒與王亦九於王舉衮冕於諸侯
舉上公之冕皆指其盛者言之也孔子曰麻冕禮也記皇
藻前後邃延漢叔孫通之冕制版廣八寸而長倍之後
方前圓後仰前悅則版質而麻飾之上玄為延下朱
為裏約之以武設之以紉貫之以笄固之以紘五采玉則
朱白蒼黃玄也皇氏沈氏謂五采玉依飾射侯之次從上而下初以朱少白次蒼黃次玄五采玉貫編周而復始其三采者先朱次白次蒼後綠玉十有二則每玉間以寸也其玄朱方圓悅仰
如此先儒謂前低寸而辨物之德應物之事不變之體無方之用
莫不賅存乎其間命之曰冕者禮為應物而設故也然
服飾於下陰也故司服之服六冕飾於上陽也故弁師之
冕五而已猶王后之服六而追師之首飾三而已副編則大
裘衮衣同冕猶三翟同副也康成謂大裘無衮其冕無
旒於經無據玉藻曰龍卷以祭其文在朝日聽朔之上則祭

昊天五帝先王之類皆以玉藻龍卷此又與郊特牲象天則天數之說合矣蓋先王祭服其內明衣加以中衣中衣繡黼身朱然後加裘裘焉則大裘之所著見者領而已裘服玄衣纁裳而九章則龍也山也華蟲也火也宗彝也繪於衣藻也粉米也黼黻繡於裳前後邃延則前十二旒其玉百四十有四後十二旒玉亦百四十有四

鄭氏曰旒十有二前後邃延者言皆出冕前後而垂

也釋名曰冕玄上纁下前後垂珠有文飾也

其鞞朱鞞其帶素帶朱裏朱綠終辟執

鎮圭摺大圭

朝諸侯則執瑁圭

佩白玉而玄組綬赤舄

敝鳥冕

九旒旒十三玉共王二百一十六纁玉五采



鷩冕七章敝鳥雉也雉之為物五色備而成章故曰夏翟亦曰華蟲猶中國謂之夏亦謂之華也司服又謂之鷩者別其名也考工記曰鳥獸蛇鳥而類於獸蛇者指其文也鄭氏曰華蟲之毛鱗有文采者敝鳥冕以祀先公饗射然先公尊矣所服止於此者非卑之於先王以為祭則各以其服授尸尸服如是而王服裘以臨之非所以為敬故弗敢也其制亦五采纁十有二就五采玉十有二前後皆九旒共玉二百一十六玄衣纁裳繪於玄者華蟲火宗彝也繡於裳者藻粉米黼黻也紋帶圭佩綬舄與裘冕同然則饗射亦以鷩冕冕者王朝覲諸侯以衮冕故鄉食與賓射以鷩冕冕祭祀以衮冕故大射亦以鷩冕以饗與賓射殺於朝覲而大射殺於祭祀故也燕射於寢則皮弁而已賈公彦謂賓射服皮弁燕射服朝服然鄭氏釋司服謂鷩鳥

冕饗射者饗食賓客與諸侯射則賓射不以皮弁矣
 又皮弁即王之朝服耳離而二之其說誤也左傳曰五
 雉為五工正爾雅有鷖諸雉鷖雉鳴暗雉鷖雉秩秩海
 雉鷖山雉韃汗雉鷖雉翬雉鷖雉南方曰鷖雉東方曰
 鷖北方曰鷖西方曰鷖而求章之所取者特鷖與翬
 鷖耳以其文尤著故也

禮書卷第一終

禮書卷第二

毳冕	希冕	玄冕	禕冕	日月
星辰	山	龍	華蟲	宗彝
藻	火	粉米	黼	黻

七旒旒十一玉共五
百六十六纁玉五采



毳冕五章說文毛毳獸細毛也宗彝有虎雉之飾而毛毳衣
 有宗彝之章故書謂之宗彝周禮謂之毳冕毳冕王所
 祀四望山川之服也五采纁十有二就五采玉十有三
 前後皆七旒共玉百六十有八繪於衣則宗彝藻粉米也

繡於裳則黼黻也韍帶圭佩綬舄與鷩冕同詩曰毳衣如
如莢莢之初生其色玄則如莢言其衣也又曰毳衣如
璊璊之為玉其色赤說文璊玉類也則如璊言其裳也劉熙釋名
以毳為藻文鄭司農以毳為芻衣與宗彝之制不合不
是信也爾雅曰雉印鼻而長尾郭璞曰雉似猴而色黑
尾數尺鼻上向兩則以尾若兩指室其鼻蓋虎取其
義雉取其智

希冕

王旒旒士王共玉百二十縹玉五采



希冕三章王祭社稷五祀之服非卑之於饗射也以社
稷五祀之所上止於利人故衣粉米而已謂之希以其
章少故也鄭氏以希為絺以絺為刺謂希刺粉米無畫
然畫陽事也在衣繡陰功也在裳希衣之粉米固亦畫
矣繡而不畫則與餘章之在衣者不類其說非也唐以
希冕為繡冕蓋亦襲鄭氏之失歟希冕亦五采縹十有二
就五采玉十有二前後皆五旒共玉百二十賈公彥謂天
子九章侯伯七章大章也章各依命數數章也則九章
章皆十二七章章皆七若然則舜十二章之服日月星
辰之類皆十二乎不必然也考之於禮升龍降龍為一
章虎彝雉彝為一章則山火而下蓋皆左右畫繡之也

玄冕

三流流十二王共玉七十二縹玉五采



玄冕一章王祭羣小祀之服其衣玄而無文裳黻而已其章不足道也故以玄名之玄冕亦五采繅十有二就五采玉十有二前後三游共玉七十二而王之齊服亦用焉荀卿曰纓而乘路即玄冕也諸侯之齊以玄冠不以玄冕及親迎則玄冕齊戒攝盛故也宗彝於十二章之服在裳於九章之服在衣粉米於七章之服在裳於五章之服在衣蓋次服之首章上服固已升之矣夫乾居西北而天事武故黼之色白黑及居東北而成始終

故黻之色青黑天下之理歸於所斷成於所辨故服章以黻終焉觀易陰陽之相代歸於復小而辨於物卦象之相推終於未濟之辨物居方舜命九官終於黜陟分北周官六計終於庶辨皆六服終黻之意也然剛斷者先王之所沈潛非鄉向而上之也故黼依設於後席用黼純設於下而中衣繡黼設於中皆六服後黼之意也詩曰玄衮及黼黻衣繡裳常服黼皐書曰麻冕黼裳語曰致美乎黻冕記曰諸侯黼大夫黻爾雅曰衮黻也凡此皆舉其章之末者則餘章著矣

禕冕觀禮侯氏禕冕曾子問曰太祝禕冕執束帛又曰太宰太宗太祝皆禕冕王藻曰諸侯禕冕以朝樂記曰禕冕摯笏而虎賁之士說劔也荀卿曰大夫禕冕鄭康成釋觀禮曰禕之言埤也天子大裘為上其餘為禕釋

玉藻曰裨冕公衮侯伯鷩為子男毳是也鄭司農釋周禮特以鷩為裨衣拘矣

日月古者日月星辰畫於衣至周登三辰於旂左氏曰三辰旂旗是也王肅謂舜時三辰亦畫於旌旗然明堂位曰有虞氏之綬夏后氏之旂虞氏之綬尚未有交龍之制謂有日月星其說無據

星辰周禮大宗伯以實柴祀日月星辰保章氏掌天星以志星辰日月之變動鄭氏謂星五緯辰日月所會之次孔安國釋書歷象日月星辰謂星四方中星辰日月所會鄭氏於書亦以星辰為一孔穎達曰敬授人時無取五緯之義鄭氏觀文為說也然則衣之所畫蓋五星與十二次也若旂則畫日月北斗七星而已故禮記言招搖在上檜天子傳稱天子葬盛姬建日月七星

山古者衣黻尊圭藻皆有山飾考工記曰山以章荀卿

曰天子山冕諸侯玄冠書大傳曰山龍青也

龍古者衣黻旂旒儀禮有龍旒箕虞盾輔勺惟大記有皆飾以龍周

禮曰交龍為旂觀禮曰升龍降龍爾雅曰升白龍于終

曲禮曰左青龍書大傳曰山龍青也龍有升降白者升

于祲則青者降矣白陰而升青陽而降此交泰之道也許

慎曰卷龍繡於不幅一龍蟠阿上鄉然龍繪於上幅非

繡於下幅慎之說誤矣

華蟲華虫翟也翟不特施於王服而后之車服亦有焉

所謂禕翟揄翟闕翟重翟厭翟是也不特后之車服而

舞與喪禮亦用焉書與周禮言羽舞詩言秉翟大記言

揄紱是也孔安國顧氏以華蟲為二章非是

宗彝書曰班宗彝作公宗周禮大約刺書於宗彝則宗彝

宗廟之彝也先王致孝有尊有彝而衣特以彝為章者以
虎雖在焉故也書謂之宗彝周禮謂之毳冕康成穎達之
徒謂毳畫虎雖因號虎雖為宗彝其實虎雖而已此說
非也書曰大傳曰宗彝白蓋宗彝白而虎雖各象其色耳鄭司
農以毛毳為劉孔安國謂宗彝亦以山龍華蟲為飾皆臆論也
藻水草也施於衣與撚而已冕旒與玉纁亦曰藻皆
取其文而且潔也書大傳曰藻火赤鄭氏釋巾車曰藻
水草蒼色今藻色兼蒼赤蓋伏鄭各舉其一偏耳

火左傳曰火龍黼昭其文也大記曰火三列明堂位
曰穀火周禮章則火之所施多矣考工記曰火以圓鄭
司農曰圓形似火鄭康成曰形如半環是也大傳曰火
赤孔安國謂火為火字其說與考工記不合
粉米鄭氏以粉米為一章則粉其米也粉其米散利養

人之義也孔安國曰粉若粟冰米若聚米顧氏曰粉取
潔白米取能養然粉亦米為之一物而為二章與章不
類其說非也

黼考工記曰白與黑謂之黼黼即斧也刃白而鋈黑有
剗斷之義故裘裳席巾中衣頰禪之領冒之殺覆椁之
幕增弓曰加於于厚上飾棺用焉

黻考工記曰黑與青謂之黻施於衣與荒見大記其文
兩已相交蓋左青而右黑此相辨之義也黻亦作黻第
而黻亦作黻左傳曰火龍黼黻昭其文也又曰衮冕黻
珽昭其度也則黻珽之黻乃黻也白虎通曰黻譬君臣
可否相濟見善改惡賈公彥曰黻取臣民背惡向善

禮書卷第二終

禮書卷第三

諸侯及孤卿大夫之服

上公衮冕

侯伯鷩冕

子男毳冕

王之三公鷩冕

王之孤卿毳冕

王之大夫諸侯之孤希冕

諸侯之卿大夫玄冕

襜褕

諸侯及孤卿大夫之服

書曰天命有德五服五章哉

五服天子諸侯卿大夫士之服

周禮上公九命其

衣服以九為節侯伯七命其衣服以七為節子男五命

其衣服以五為節王之三公八命其卿六命其大夫四

命及其出封皆加一等其衣服亦如之凡諸侯之適子

誓於天子攝其君則下其君之禮一等未誓則以皮帛

繼子男

公之子如侯伯而執圭侯伯之子如子男而執璧子男之子與未誓者皆次小國之君執皮帛而朝會焉其賓之皆以上卿之禮

公之孤

四命其鄉二命其大夫再命其士一命其衣服各賦其命之數司服公之服自衮冕而下如王之服侯伯之服自鷩冕而下如公之服子男之服自毳冕而下如侯伯之服孤之服自希冕而下如子男之服卿大夫之服自玄冕而下如孤之服士之服自皮弁而下如大夫之服凡大祭祀大賓客共其衣服而奉之自公之衮冕至卿大夫之玄冕皆其朝聘天子及助祭之服諸侯非二王後其餘皆玄冕而祭於已雜記曰大夫冕而祭於公弁而祭於已士弁而祭於公冠而祭於已大夫爵弁自祭家朝惟孤耳其餘皆玄冠與士同玄冠自祭其朝者其服朝服玄端諸侯之自相朝聘皆皮弁服弁師掌王之五冕皆玄冕朱裏延紉五采繅十有二就皆五采玉十有二玉并朱紘諸侯之繅游九就璿玉三采其餘如王之事繅游皆就諸侯及孤卿大夫之冕章弁皮弁弁經各以其等為之而掌其禁令行人上公冕服九章侯伯冕服七章子男冕服五章大車詩刺周大夫云大車檻檻毳衣如茨毛氏曰毳衣大夫之服天

子大夫四命其出封五命如子男之服服毳冕以決訟箋云子男入為大夫者毳衣之屬衣繅而裳繅皆有五色其青者如雞大車嘒嘒毳衣如茨

如璫也無衣美晉武公云豈曰無衣七兮又云豈曰無衣六兮毛氏曰侯伯之禮七命冕服七章天子之卿六命車旗衣服以六為節鄭氏曰七章之服晉舊有之非新命之服變七言六者謙也不敢必當侯伯得受

禮記王制曰三公一命衮若有加則賜也禮器曰禮有以文為貴者天子龍衮諸侯黼大夫黻士玄衣

纁裳天子之冕朱綠藻十有二旒諸侯九上大夫七下大夫五士三宋綠似夏商禮周禮天子五采藻禮有順而討也若天子士二公以九侯伯以七子男以五為節

有放而文若天子之服服有放而不致若諸侯自書大傳曰天子衣服其文華蟲作績宗彝藻火山龍諸侯作績宗彝

藻火山龍大夫藻火山龍士山龍天子服五諸侯四次國服三大夫服二士服一鄭氏曰玄或疑焉

上公龍衮

纁九就前後九旒旒九玉共五百
六十二纁玉三采朱白蒼執桓圭



侯鷩冕

纁七就前後七旒旒七玉共五百
九十八纁玉皆三采執信圭



伯敝烏冕
纁七就前後各七梳流七至共
王九十八纁玉皆三采執紼圭



子毛毳冕
纁五就前後各五梳流五至羽
王五十纁玉皆三采執紼璧



男君冕
樂三采如子
之辨於禮堂



王之三公敝冕

纁八就前後各八旒
纁八王用五百二十八
射別
筆書周公事圭以異
變蓋執符圭亦傳曰
執加圭



王之孤垂冕
纁六就前後旒旒六
 玉用玉七十執皮鳥



王之卿毛毳冕

纁六就前後各六旒旒六玉用
 玉七十二纁玉皆朱綠執羔



王之大夫希冕
纁四就前後各四旒旒四玉用
玉三十二纁玉皆朱綠執鴈



諸侯之孤希冕
纁玉采如王之
大夫執皮帛



諸侯之卿玄冕

纁三就前各三鹿
三王肘五十八執羔



諸侯之大夫玄冕

再命之大夫纁再就用王八一
命之大夫纁一就用王二執鴈



公卿大夫之命以四以六以八陰數也公侯伯子男之
命以五以七以九陽數也典命上公九命衣服以九為
節司服所謂公之服自衮冕而下如王之服是也侯伯
七命衣服以七為節司服所謂侯伯之服自鷩冕而下
如公之服是也王之三公八命其卿六命其大夫四命
及其出封皆加一等蓋八命加一等則是三公一命衮

而衣服以九為節也其未出封則八命與侯伯同七章之服矣公與侯伯同七章之服則卿六命與子男同五章之服矣觀司服孤之服自希冕而下如子男之服卿大夫之服自玄冕而下如孤之服公之孤四命而服三章之希冕大國之卿三命大夫再命而服一章之玄冕則王之公卿大夫其衣服各降命數一等可知也詩言周大夫之服毳衣則王之上大夫卿也雜記曰大夫冕而祭於公則希冕玄冕也然則上公自衮冕而下其服五侯伯自鷩冕而下其服四子男自毳冕而下其服三孤自希冕而下其服二服雖不同而冕同賈公彥曰諸公纁玉同文惟有一冕以冠五服其說是也弁師諸侯纁旂九就璫玉三采其餘如王之事纁旂皆就玉璜玉笄諸侯及孤卿大夫之冕各以其等為之鄭氏謂上公

纁九就用玉百六十二侯伯用玉九十八子男纁五就

玉五十纁皆三采

弁師璫玉三采鄭氏曰璫故書作無說文無三采玉

孤纁四就玉三十二

三命之卿纁三就玉十八再命之大夫纁再就玉八纁玉皆朱綠考之聘禮諸侯朝天子圭纁朱白蒼君大夫問諸侯圭纁朱綠則朱白蒼君者君之纁朱綠者臣之纁冕纁之別蓋亦如此鄭氏之說是也希冕三章鄭氏謂孤纁四就蓋孤四命其宮室車旌衣服各眡其命之數則服雖三章而冕四旂旂四就無害其與服章異也晉武公之臣請服于周始曰無衣七兮次曰無衣六兮以示不敢上眡侯伯姑請六命之服列于天子之卿猶愈乎不也孔穎達謂卿從車六乘旌旗六旒弁飾六玉冠六辟積然則卿服雖五章而冕纁六旂旂六就猶大夫之服三章而纁四旂旂四就也不特人臣之冕如此王服九

章兩纁十有二旂旂十有二就是纁旂與服章不必同也鄭氏又曰一命之大夫冕而無旂然與命言各眡其命之數果一命之冕無旂則眡其命之數去者為虛言也夫冕之有旂為蔽明也纁之就數固雖不同蓋皆其垂過目而每就非止一寸每就一寸殆王之十有二就者然也賈公彥曰每玉相去一寸十二玉則十二寸就成也以一王為一成結之使不相并也射人三公執璧執璧則服毛毳冕而已蓋王饗射降而服鷩冕則公於王射降而服毛毳冕矣鄭氏曰諸侯入為卿大夫各服本國服章與在朝仕者不同然卿大夫出則伸而加一等入則屈而降一等則各服本國服章之說無是理也書曰周公秉圭射人三公

執璧蓋圭乃公之常禮璧特射時所執也王之卿大夫其所執亦羔鴈特其飾而諸侯之卿大夫不同周語單子譏陳侯弃衮冕而南冠春秋伐楚之役許男卒而以衮斂夫陳侯有衮冕許男以衮斂者尊三恪而優死王事者也左氏曰凡諸侯薨于朝會

加一等死王事加二等

書大傳曰天子衣服其文華蟲作纁宗彝藻火山龍

山龍諸侯作纁宗彝藻火山龍子男宗彝藻火山龍大夫藻火山龍士山龍故書曰天命有德五服五章哉又曰天子服五諸侯服四次國服三大夫服二士服一然大夫之服自玄冕而下士之服自皮弁而下固無藻火山龍矣既曰子男宗彝藻火山龍又曰次國服三大夫服二士服一是自矣也漢明帝時冕皆廣七寸長尺二寸前圓後方朱綠裏玄上前垂四寸後垂三寸繫白玉珠為十二旒三公諸侯服山龍九章冕七旒青玉為珠卿大夫服用華蟲七章冕五旒黑玉為珠皆有前無後以承大祭然旒有前無後非古制也又古者大夫冕而祭於公士弁而祭於公則大夫以上助祭皆冕服也明帝之時百官不執事者初玄以從矣之矣

褒衣雜記內子復諸侯復公龍衣皆有褒衣鄭氏曰內子
 褒衣者始為命婦見加賜之衣諸侯褒衣亦始命為諸
 侯及朝觀加賜之衣也王制曰三公一命衮若有加則
 賜孔穎達謂九命龍衮之外君衣特賜雜記謂之褒衣
 是矣昔魯季氏取卞使公治問襄公公與公治冕服及
 疾聚其臣曰我死必無以冕服斂非德賞也然則復斂
 以褒衣者蓋榮其德賞故也

禮書卷第三

禮書卷第四

諸侯祭服

玄端

素端

緹

武

細

纁

諸侯祭服


之冕三旒纁就與王
如其命之數玄端衣



祭統曰夫人蠶于北郊以共冕服又曰君純冕立于阼
 玉藻曰諸侯玄端以祭禋冕以朝鄭氏謂諸侯祭宗廟
 之服惟魯一王之後衮冕餘皆玄冕考之雜記大夫
 冕而祭於公弁而祭於己士弁而祭於公冠而祭於己

以其致隆於公不敢與已同其服則諸侯以敝烏毳布冕祭於王端冕祭於已宜矣然玉藻玄端以祭言其服也玄端無章則三旒之冕可知鄭氏易端為冕過矣

素端如之其色不同



周禮

司服其齊服有玄端素端

鄭司農云衣有鴻裳者為端鄭康成云變素服言端者明

異制端者取其止也士之衣袂皆二尺二寸而屬幅是廣袤等也其袂尺二寸大夫已上侈之後之者蓋半而益一焉半而益一則其袂三尺三寸袂尺八寸正義曰衣袂二尺二寸喪服記文袂云袂二尺二寸今兩邊袂亦各屬一幅幅長二尺二寸上下亦廣二尺二寸故云屬幅廣袤等言袂則長也言皆者玄端玄端二者同也云其袂尺二寸者據玉藻深衣之袂八二寸而言也云大夫已上侈之後之者各半而益一焉半而益一則其袂三尺三寸法又八寸者此亦無正文案雜記云凡弁經服其袂侈袂少半士婦衣綸衣亦云多袂侈大也鄭以侈為大即以意為半而益一以解之也孔子大袂單衣亦如此也

綏纁端鞞紳端玄端士服也玉藻天子玄端而朝日於東門之外

端當為冕卒食玄端而居諸侯玄端以祭端亦當為冕朝玄端文深衣

謂大夫士也無君者不貳采大夫去位宜服玄端衮衣小記除殤之喪者其祭也

必玄冠玄端黃裳而祭不朝服未純吉也於成人為擇禫之服樂記魏文侯問於子夏曰

吾端冕而聽古樂則唯恐卧端玄衣也雜記曰端裘喪車皆

無等喪者衣衰及所乘之車貴賤同衣衰言端者玄端吉時常服喪之衣衰當如之子羔之襲素端一公襲

卷衣一玄端一儀禮士冠緇布冠玄端玄裳黃裳雜裳可

也緇帶爵韠

此暮之於朝之服玄端則朝服之衣易其裳耳上士玄裳中士黃裳下士雜裳

賓如主人服贊

者玄端從之冠者既冠乃易服服玄冠玄端爵韠見于君見於鄉大夫鄉先生

見服不朝服者非朝事也

特牲饋食禮主人冠端

玄論語公西華曰宗廟之事如會同端章甫願為小相焉荀卿曰端衣玄裳繞而乘路志不在於食葷大戴

禮曰武王端冕而受丹書左氏劉定公曰吾端委以治民臨諸侯禹之力也晏平仲端委以立于虎門晉語董

安于曰臣端委以隨宰人周語曰晉侯端委以入武宮

韋昭曰此

士服也諸侯之子未受爵命服士服也

穀梁曰免牲者為之緇衣纁裳有司玄端

奉送至于南郊

禮三十一年

吳夷狄之國也被髮文身欲因魯

而請冠端而纁鄭氏釋士冠禮謂爵弁純衣絲衣也

餘衣皆用布惟冕與爵弁用絲耳賈公彥曰此據朝服及弁服玄端服及深衣長衣之等皆布為之是以雜記

玄朝服十五升布玄端亦朝服之類皮弁亦是天子朝

服深衣或各麻衣故知用布也

司服言及諸侯孤卿大夫士之服而繼之以其齋服有

玄端素端則玄端素端非特士之齋服而已鄭氏曰端者取其正也士之衣袂皆二尺二寸而屬幅是廣袤等

也其袂尺二寸大夫以上後之者蓋半而益一則其袂三尺三寸袂尺八寸然謂之端則衣袂與袂廣袤

等矣無大夫士之辨也果士之袂殺於袂尺非端也大

夫之袂後以半而益一亦非端也深衣之袂圓長衣之

袂長弔祭及餘衣之袂後司服凡弔事弁經服雜記凡弁經服其袂後少牢主婦衣宵衣後袂圓行曰九子衣逢掖

之衣首鄉曰其衣逢

則玄端之袂端可知矣古者端衣或施之於冕

或施之於冠大戴禮曰武王端冕而受丹書樂記曰魏文侯端冕而聽古樂荀卿曰端衣玄裳繞而乘路此施

於冕者也冠禮冠者玄端緇布冠既冠易服服玄冠玄
端特牲禮主人冠端玄內則子事父母冠紘纓端設鞞
劉定公曰吾端委以治民董安于曰臣端委以隨宰人
公西華曰宗廟之事如會同端章甫以至晉侯端委以
入武宮晏平仲端委以立于虎門此施之於冠者也蓋
玄端齋服也諸侯與士以為祭服玉藻玄端以祭特牲
冠端玄是也大夫士以為私朝之服玉藻朝玄端是也
天子至士亦以為燕服玉藻天子卒食玄端而居內則
事父母端韞是也然則端衣所用固不一矣記曰齋之
玄也以陰幽思也故祭之冕服皆玄齋之端亦玄若
夫朝服天子以素諸侯以緇未聞以玄端也儀禮大夫
祭以朝服士祭以玄端冠禮主人朝服既冠冠者服玄
端雜記公襲朝服一玄端一褹禮自西階受朝服自堂

受玄端則朝玄端異矣玄端皆玄裳或黃裳雜裳可也

鄭氏曰上士玄裳中士黃裳下士雜裳雜裳前玄後黃荀勗曰端衣玄裳繞而東路志不在於食葷蓋齋則衣裳皆玄非齋則裳不必玄未


聞以素裳也鄭氏釋儀禮謂玄端即朝服之衣易其裳
耳釋玉藻曰朝服冠玄端素裳此說無據服玄端者冠
則緇布冠齋則玄冠特天子齋用冕燕則玄冠而已然
齋或用素端則其冠不玄矣鄭氏曰素端為札荒有所
禱請是也

延鄭氏曰延冕
之禮在上


弁師掌王之五冕皆玄冕朱裏延細禮記天子玉藻十有二旒前後邃延左傳曰衡紃紃延國語曰夫人織紃紃先儒謂延冕上覆古者績麻三十升布上玄下朱以表裏冕版三十升則麻之尤精者也書稱康王麻冕黼裳卿士邦君麻冕蟻裳太保太史太宗皆麻冕彤裳孔子曰麻冕禮也今也純袞黼淵問為邦孔子曰服周之冕則古者五冕皆麻至孔子時乃去麻用純然郊冕猶用麻所以示復本也故荀卿曰郊之麻冕喪服之先散麻一也

武

鄭氏曰武冠卷也古者冠卷殊




細



弁師五冕皆細鄭氏曰細小鼻在武上笄所貫也蓋武冠卷也古者居冠屬武則非燕居武不屬於冠也喪冠條屬則非有喪者纓武異材也鄭氏曰條屬者通屈一條繩子若布為武垂下為纓屬之冠子姓之冠縞冠玄武不齒之冠玄冠縞武則非子姓與不齒者冠武同色也雜記曰委武玄縞而后鞋鄭氏謂秦人曰委齊東曰武則武亦謂之委以其若冠之足故曰武以其委於下故曰委蓋古者施冠於首然後加武以約之觀喪大記弔者襲裘加武則武之所設所以約冠也細垂於冕之兩旁其長及武笄以貫之

縹

鄭氏曰縹雜文之名合五采絲為之繩垂於延之前後各十二所謂邃延比王者之制也諸侯而下有五



弁師掌王之五冕五采縹十有二就皆五采玉

縹雜文之名也合五

絲絲為之繩垂於延之前後各十二所謂邃延也就成也繩之一匝而貫五采玉十二旒則十二玉也每就間蓋一寸朱紘以朱組為紘也紘一係屬兩端於武縹不言皆有不肯者此謂衮衣之冕十二旒則用玉二百八十八釐為衣之冕縹九旒用玉二百一十六釐為衣之冕七旒用玉百六十八釐為衣之冕五旒用玉百二十釐衣之冕三旒用玉七十二釐諸侯之縹存九就璫玉三采其餘如玉之事縹

旒皆就玉瑱玉笄

侯當為公字之誤也三采朱白蒼也其餘謂延細皆九成則九旒也公之冕用玉百六十二玉瑱塞耳者故書瑱作瑱諸侯及孤卿

鄭司農云縹當為縹縹古字也縹今字也同物同音與縹玉名諸侯及孤卿

大夫之冕韋弁皮弁弁經冬以其等為之而掌其禁令

其等縹非王盛如其命數也冕則侯伯縹七就用玉九十八子男縹五就用玉七十縹玉皆三采孤縹四就用玉三十二三命之卿縹三就用玉十八再命之大夫縹再就用玉八藻玉皆朱綠韋弁皮弁則侯伯縹七子男縹五玉亦三采與絲凡祭孤則縹飾四三命之卿縹飾三再命之大夫縹飾二玉亦二采與絲凡祭

祀共黼畫組就之物

以給衣服冕流及盥中之屬

禮器曰天子之冕朱綠藻

十有二旒諸侯九上大夫七下大夫五士三此以文為貴

也

朱綠似

郊特牲曰王被衮以象天戴冕璪十有二旒則

天數也

天之數不過十二

玉藻曰天子玉藻十有二旒前後邃延

龍衮以祭

雜采曰藻天子以五采藻為旒旒十有二前

弁師王之五冕五采縹十有二就諸侯之縹存九就璫

玉三采其餘如王之事縹存皆就諸侯及孤卿大夫之

冕各以其等為之掌其禁令鄭氏曰縹雜文之名也

合五采絲為之繩垂於延之前後各十二所謂邃延也

繩每一匝貫五采玉諸侯縹旒皆就皆三采也每縹

九成則九旒也侯伯縹七就子男縹五就孤縹四就卿

纁三就大夫纁再就理或然也然冕五而已未有不設
 纁旂者鄭氏謂大裘之冕無旒爵弁如冕亦無旒此不
 可考禮器天子之冕朱綠藻十有二旒諸侯九上大夫七下
 大夫五士三其制與弁師不同異代之禮也蓋藻潔而文
 衆采如之故曰藻水流趨下旗冕之垂者如之故曰旒藻
 或作纁以絲為之或作璪以玉貫之也纁旒或謂之繁
 露以其象然也漢制天子纁旒前長後短諸臣纁旒
 有前無後非古也

禮書卷第四

禮書卷第五

冕

紘

纓

璜

衡

筭

璿

紘

鄭氏曰屈組為紘垂為飾

纓

二組屬於筭頤顛而下結之謂之纓纓之垂者謂之綬



弁師掌王之五冕朱紘

朱紘以朱組為紘也

士冠禮緇布

冠缺項青組纓屬于缺皮弁笄爵弁弁緇組纓邊

如有頰者弁之項緇布冠無笄者著頰圍髮際結項中隅為四緇以固冠也項中有緇亦由固頰為之耳今未冠笄者著卷憤頰象之所生也

為飾無笄者纓而結其條纒邊組則赤也

禮器曰管仲鏤簋朱

紘君子以為濫矣

朱紘天子冕之紘也諸侯青組紘大夫士尚緇組紘纒邊

為藉千畝冕而朱紘躬秉耒諸侯為藉百畝冕而青紘

侯之冠也玄冠丹組纓諸侯之齊冠也玄冠綦組纓士

之齊冠也說文曰紘冠卷也纓冠系也紘系冠纓也左

傳桓二年衡紘紘紘昭其度也僖二十八年楚子玉瓊弁

王纓衰十五年子路結纓而死喪禮斬衰繩纓齊衰

以下布纓大功長殤經纓緦深纓後漢輿服志聖人冕

鳥獸有冠角頰胡之制遂作冠冕纓綉以為首飾

旒冕皆以其綬色為組纓乘輿黃赤綬諸侯王赤綬

公侯將軍紫綬九卿青綬千石六百石黑綬百石青紘

綬唐制天子大裘冕組帶纓色如其綬裘冕朱組帶

為纓皇太子衮冕紅組為纓羣臣之服皆以組為纓

色如其綬

綉

詩曰葛屨五兩冠綉雙止檀弓曰范則冠而蟬有綉

綉謂

未之聞也玉藻曰緇布冠績綉諸侯之冠也

緇布冠素紘既祥之冠也

垂綉五寸惰游之士也自天子下達有事然後綉大

帛不綉玄冠紫綉自魯桓公始也雜記曰大白冠緇布

之冠皆不綉委武玄縞而後綉

秦人曰委齊東曰武內則子事父母

冠綉纓

弁師王之五冕皆朱紘禮記天子為藉冕而朱紘諸侯

為藉冕而青紘士冠禮緇布冠青組纓皮弁笄爵弁
 笄緇組紘纁邊蓋朱者正陽之色天子以為紘青者少
 陽之色諸侯以為紘緇者陰之色而士以為紘卿大夫冕
 弁之紘無所經見禮器曰管仲鏤簋朱紘君子以為濫
 鄭氏謂大夫士當緇組紘纁邊理或然也一組繫於左笄
 遠頤而上屬於右笄垂餘以為飾謂之二紘組屬於笄
 順頤而下結之謂之纓纓之垂餘謂之綏檀弓曰綏有綏鄭氏曰綏謂綏綏長
在腹下喪冠緇布冠纓而不綏冕弁紘而不纓春秋之時
 楚子玉瓊弁玉纓自漢以來見纓各象其綬色冕弁而
 有纓非古制也夫縣鍾磬者亦謂之紘繫車蓋者亦謂
 之紘佩容臭者亦謂之纓馬之膺飾亦謂之纓旌旗之
 旒亦謂之綏禪被之識亦謂之紘則紘纓綏之名非特
 施於冠冕也

天子諸侯瑱

玄紘黃纁



卿大夫瑱

玄紘青纁



士瑱

玄紘素纁



周禮弁師諸侯之纁旒九就玉瑱玉笄詩旒丘曰叔兮
 伯兮褭如充耳君子借老曰王之瑱也瑱塞耳也淇奧曰有匪
 君子充耳琇瑩會弁如星充耳謂之瑱琇瑩美石也天子玉瑱諸侯以石著者曰俟我
 於著乎而充耳以素乎而毛曰素象瑱鄭曰以素為充耳謂所以懸瑱者或名為紘人君五色臣則三色此言

素者自所尚之以瓊華乎而毛曰瓊華美石士之服也鄭曰飾之以瓊華者謂縣統之末所謂瑱也人君以玉為之瓊

華石色似瓊也俟我於庭乎而充耳以青乎而毛曰青青玉也尚之以瓊

瑩乎而毛曰瓊瑩之似玉卿大夫之服也鄭曰石色似瓊瑩也俟我於堂乎而充耳以黃乎而

毛曰黃黃玉也尚之以瓊英乎而毛曰瓊英美石似玉者人君之服也禮記檀弓曰練

角瑱瑱充耳也古時以玉人君有瑱士喪禮瑱用白纁既夕記曰瑱塞耳楚

語楚靈王虐白公子張驟諫王曰不穀雖不能用吾慙

瑱實之於耳慙猶頓也對曰頓君用之也故言頓特也不然巴浦

之犀犛兕象其可盡乎其又以規為瑱也犛犛牛也規諫也瑱所以塞耳

言四獸之牙角可以為瑱難盡而又以規諫為之乎曾語曰王后親織玄統統所以懸瑱也瑱所以塞耳左傳

曰衡統紘紕絜昭其度也又曰縛之如一瑱家語大戴皆

曰統統塞耳東方朔傳曰鞋纁塞耳禮緯曰旒垂目纁

塞耳示不聽讒不視非也後漢輿服志曰旁垂鞋釋名

曰瑱鎮也不使妄聽自鎮重也吳語吳王斬有罪者以

徇曰莫如此以環瑱相問也

瑱以充耳統以垂瑱周官弁師王之五冕皆玉瑱詩於

衛夫人言王之瑱也於衛武公言充耳琇瑩於衛之臣

言琇衣如充耳齊詩言充耳以素以青以黃尚之以瓊華

瓊瑩瓊英則瑱不特施於男子也婦人亦有之不特施

於冕也弁亦有之故詩言充耳琇瑩繼之以會弁如星

喪禮士無冕而瑱用白纁則弁亦有之可知也士瑱用

白纁即詩所謂充耳以素者也人君用鞋纁即詩所謂

充耳以黃者也毛氏以充耳以素為士之服充耳以青

為卿大夫之服充耳以黃為人君之服於說足也然以

素為衆瑱青為青玉黃為黃玉而用瓊華以飾象則是

士瑱用二物與餘瑱不類非禮意也鄭氏以素為素統

青為青統黃為黃統人君五色人臣三色然曾語王后



織玄統夫人加紘紕內子爲大帶命婦成祭服列士之妻加以朝服則夫人以至士妻特有所加而已其織玄統一矣未聞有五色三色之別也又統所以垂充耳而充耳不在統謂統爲充耳非也春秋傳曰縛之如一瑱則縛纊以爲瑱自古然也其制蓋皆玄統以垂之瓊玉以承之承之詩所謂尚之也梁制垂以珠瑱班固賦曰雕玉瑱以居楹礎石亦謂之瑱則瑱居纊下可知也賈公彥曰古者瑱不用纊士死則用白纊然士之襲禮皮弁祿衣緇帶韎韐竹笏之類皆用生時之物孰謂瑱用白纊特死者之飾哉檀弓小祥用角瑱楚語曰巴浦之犀犀兕象其可盡乎其又以規爲瑱則古者之瑱亦以象與角爲之

衡鄭氏曰衡玉爲之祭服有衡垂于副之兩旁當耳其下以統懸瑱



周官追師掌王后之首服爲副編次追衡笄左傳曰衡統紘紕昭其度也鄭司農曰衡繼持冠者鄭康成曰王后之衡笄皆玉爲之惟祭服有衡垂于副之兩旁當耳其下以統垂瑱孔穎達曰婦人首服有衡則男子首服亦然王后之衡以玉則天子之衡亦玉諸侯以下未聞然則左傳言衡則繼以統弁師士冠禮言笄則繼以紘是衡有統笄有紘也

笄鄭氏曰笄卷髮者玉為之長尺二寸



禮記內則子事父母櫛縱笄總弁師掌王之五冕玉笄諸侯之纁旒九就玉笄士冠礼皮弁笄爵弁笄同篋之簪有笄者屈緹為終垂為飾無笄者纁而結其條士喪礼鬢笄用桑長四寸纁中長四寸不冠故也纁笄之中央以安髮鬢用組乃笄國語范武子以杖擊其子折其委笄荀子曰鬢而不笄

婦人笄曲礼曰女子許嫁笄而字以許嫁為成人檀弓南宮縚之妻

之姑之喪夫子誨之鬢蓋榛以為笄長尺內則婦事舅

姑櫛縱笄總男女纁笄者櫛縱拂髦女子十有五而笄

二十而嫁其未許嫁二十則笄喪服小記齊衰惡笄以終喪男

子冠而婦人笄雜記女雖未許嫁年二十而笄禮之婦

人執其禮雖未許嫁年二十亦為成人矣礼之酌燕則

鬢首既笄之後去之猶古之女有鬢紒也問喪親始死雞斯徒跣雞斯當

也聲之誤也親始死去冠二日乃去笄纁括髮也今時始喪者邪巾貂頭笄纁之存象也追師掌王

后之首服為副編次追衡笄士昏禮女次純衣纁衽立

于房中南面姆纁笄宵衣在其右女從者畢袵玄纁笄

被纁黼在其後夙興婦沐浴纁笄宵衣以見舅姑記女

子許嫁笄而禮之稱字許嫁已受納徵礼也笄女之礼

喪服女子在室為父箭笄女子適人者為其父母婦為

舅姑惡笄有首以鬢卒哭子折笄首以笄布總言以鬢

著笄者明矣傳曰笄有首者惡笄之有首也惡笄者櫛笄也

折笄首者折吉笄之首也吉笄者象笄也何以言子折

笄首而不言婦終之也櫛笄者以櫛之木為笄或曰榛笄有首者若今時刻纁櫛頭矣

卒而喪之大車畢女子可以歸於夫家而著吉筭吉筭
尊變其尊者婦人之義也折其首者為其人神也據在
夫家宜言婦終之者思士喪記其母之喪則內御者浴鬢
終子道於父母之恩無筭猶大夫特牲饋食禮王婦纒筭宵衣詩君子
無筭之無筭猶大夫借老副筭六珈最盛者所以別尊卑楚語司馬子期欲
以妾為內子訪之左史倚相曰吾有妾而愿欲筭之其
可乎弁師掌王之五冕五采纒十有二就皆玉筭諸侯
纒旒皆就玉筭士冠皮弁爵弁筭則冕弁有筭也國語
范文子以杖擊其子折委筭則冠有筭也士喪服婦人
吉筭有首尺二寸吉筭象筭也男子之筭亦或尺二寸
大夫士之筭亦或象為之歟禮王祀以玉路朝以象路王
象笏皆象次於玉然則諸侯王筭大夫士用象鄭氏釋士
冠禮謂有筭者屈組為絃垂為飾無筭者纓而結其條
無筭蓋指緇布冠言之也雜記曰緇布不韡則緇布非

特無筭又纓而不綏矣古者筭亦謂之簪易曰朋盍簪
鄭氏謂筭今之簪是也荀卿鍼賦曰簪以為父則簪形
似鍼而巨也考之士喪禮鬢筭用桑長四寸纓中其母
之喪內御者浴鬢無筭則鬢筭與冠弁之筭異矣鬢筭
四寸所以安髮男子婦人皆有之男子死有髻筭而無
冠弁之筭以其不冠故也婦人死不特無冠弁之筭亦
無鬢筭以其不以髮為猶男子之冠故也家語曰孔子
之喪襲而冠此王肅附會之論也荀子亦曰鬢而不筭

禮書卷第五終

